

Na osnovu člana 70. stav (1) (3) i (6), člana 72. stav (3) tačka a) i člana 68. stav (1) Zakona o javnim nabavkama Zakona o javnim nabavkama („Službeni glasnik BiH“, broj: 39/14 i 59/22), u konkurentskom postupku- nabavka računara i računarske opreme za potrebe Gradskog organa uprave Grada Bosanska Krupa u 2023. godini, Gradonačelnik grada Bosanska Krupa, kao rukovodilac organa uprave donosi:

### **ODLUKU**

1. **Poništava se Odluka o dodjeli Ugovora četvrtorangiranom ponuđaču broj 07-11-5-4044/23 od 14.07.2023. godine i Ugovor o nabavci računara i računarske opreme za potrebe Gradskog organa uprave Grada Bosanska Krupa u 2023. godini se dodjeljuje petorangiranom ponuđaču R.E.D. COMPUTERS“ d.o.o. Bihać, sa cijenom u iznosu 18.502,55 bez PDV-a, odnosno 21.648,00 KM sa PDV-om.**
2. **Odbacuje se ponuda četvrtorangiranog ponuđača PR „MEDIA MARKET“, s.p. Trbulin Dejan, Prijedor, je isti nije dokazao da je u momentu predaje ponude (dan predaje ponude 22.05.2023. godine) bio kvalifikovan odnosno imao izmirene obaveze po osnovu penzijskog i invalidskog osiguranja i zdravstvenog osiguranja, te obaveze po osnovu direktnih i indirektnih poreza.**
3. **Izabrani petorangirani ponuđač R.E.D. COMPUTERS“ d.o.o. Bihać se obavezuje da u roku ne dužem od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka c) i d) Zakona o javnim nabavkama.**
4. **Prijedlog Ugovora o nabavci dostavit će se na potpis izabranom ponuđaču po protoku od 15 dana, računajući od dana kada su svi ponuđači obaviješteni o izboru ponuđača.**

### **O b r a z l o ž e n j e**

Odluka o dodjeli Ugovora četvrtorangiranom ponuđaču **PR „MEDIA MARKET“, s.p. Trbulin Dejan, Prijedor** broj 07-11-5-4044/23 od 14.07.2023. godine zajedno sa obavještenjem o nabavci dostavljena je putem e-maila (elektronsko sredstvo u TD tačka 9. označeno kao način dostavljanja obavještenja o dodjeli) četvrtorangiranom ponuđaču **PR „MEDIA MARKET“, s.p. Trbulin Dejan, Prijedor**, dana 14.7.2023. godine.

Navedenom odlukom o dodjeli Ugovora četvrtorangiranom ponuđaču **PR „MEDIA MARKET“, s.p. Trbulin Dejan, Prijedor** broj 07-11-5-4044/23 od 14.07.2023. godine izabrani četvrtorangirani ponuđač **PR „MEDIA MARKET“, s.p. Trbulin Dejan, Prijedor**, je bio u obavezi dokaze/dokumente o ispunjavanju uslova u skladu sa datom izjavom iz člana 45. stav (1) tačka c) i d) Zakona o javnim nabavkama, dostaviti **u roku ne dužem od 5 (pet) dana** od dana zaprimanja ove Odluke na protokol Ugovornog organa, zaključno s 19.07.2023. godine

Do označenog roka na protokol Ugovornog organa izabrani ponuđač **PR „MEDIA MARKET“, s.p. Trbulin Dejan, Prijedor**, je dostavio traženu dokumentaciju iz člana 45. stav (2) tačka c) i d) Zakona o javnim nabavkama.

Naime, članom 45. stav (2) Zakona o javnim nabavkama, određeno je da kandidat/ponuđač kojem bude dodijeljen ugovor je obavezan dostaviti dokumente kojima će se potvrditi da se slučajevi navedeni u stavu (1) ovog člana ne odnose na njega. Takvi dokumenti, u skladu sa članom 72. stav (3) Zakona, ne mogu biti stariji od tri mjeseca računajući od dana dostavljanja ponude ili zahtjeva za učešće. Povezujući dvije navedene odredbe Zakona evidentno je da moraju biti kumulativno ispunjena dva uslova i to prvi da dokumenti nisu stariji od tri mjeseca od dana dostavljanja ponude i da se ponuđač ne nalazi ni u jednoj od situacija navedenih u stavu (1) u tačkama a) do d) člana 45. Zakona.

Izabrani ponuđač **PR „MEDIA MARKET“, s.p. Trbulin Dejan, Prijedor**, je dostavio dva uvjerenja, kako je i traženo tenderskom dokumentacijom shodno članu 45. stav (2) c) i d) Zakona i to **Uvjerenje** Uprave za indirektno-neizravno oporezivanje, Regionalni centar Banja Luka broj: 02/6-I-16-11-21-394-4/23 od 25.05.2023. godine u kojem se potvrđuje da **PR „MEDIA MARKET“, s.p. Trbulin Dejan, Prijedor, na dan 25.05.2023. godine**, nema dospelih, a neizmirenih obaveza po osnovu indirektnih poreza i ostalih prihoda i taksi i **Poresko uvjerenje Poreske uprave-Područni centar Prijedor broj 06/1.03/0705-455.2.2.-5772/2023 od 23.06.2023. godine kojim se potvrđuje da je PR „MEDIA MARKET“, s.p. Trbulin Dejan, Prijedor prijavio i izmirio sve dospjele poreze i sporedna poreska davanja kojima podliježe prema poreskim zakonima Republike Srpske zaključno sa 23.06.2023. godine.**

Ponuđač PR „MEDIA MARKET“, s.p. Trbulin Dejan, Prijedor dostavljenim uvjerenjima nije dokazao da je istinito ono što je naveo u svojoj izjavi na dan predaje ponude (ponuda dostavljena na protokol ugovornog organa dana 22.5.2023. godine) i da se slučajevi iz stava (1) član 45. Tačka c) i d), ne odnose na njega

Naime, iz sadržine oba uvjerenje se **ne može** potvrditi da je ponuđač u momentu predaje ponude 22.5.2023. godine imao izmirene obaveze koje se odnose na doprinose za penziono i invalidsko osiguranje i zdravstveno osiguranje kao i obaveze u vezi plaćanja direktnih i indirektnih poreza.

**U prilog gore navedenom pozivamo se i na Mišljenje Agencije za javne nabavke broj 02-02-1-270-2/23 od 6.2.2023. godine, koji su se pozivajući na zakonske odredbe dali i primjer koji se odnosi na sve situacije iz stava (1) člana 45. Zakona.**

Citiramo dio iz Mišljenja :*„Primjera radi, ako je ponuđač predao ponudu 15.05. apsolutno je prihvatljivo uvjerenje izdato 30.06. u kojem je navedeno da ponuđač na dan 15.05. nema dospelih, a neizmirenih obaveza. Prema tome u navedenom primjeru ponuđač je uvjerenjem izdatim od strane nadležnog organa dokazao da je istinito ono što je naveo u svojoj izjavi na dan dostavljanja ponude ili zahtjeva za učešće i ne postoji niti jedna razlog da se njegova ponuda ili zahtjev za učešće budu odbačeni. Dakle, bitno je da uvjerenje sadrži činjenicu koja se zahtijeva, a nije bitno kada je ono izdato ( naravno , ne starije od tri mjeseca od datuma dostavljanja ponude ili zahtjeva za učešće).Bitno je istaći da je naprijed navedeni primjer apsolutno u skladu sa Zakonom o javnim nabavkama.*

*Međutim, ako nadležni organi ne izdaju uvjerenja kao u navedenom primjeru, odnosno uvjerenja sa stanjem npr. Poreskih obaveza na dan predaje ponude, već izdaju uvjerenja sa stanjem obaveza na dan podnošenja zahtjeva za izdavanje uvjerenja ili na neki drugi datum, tada će ponuđači biti u situaciji da će morati pribaviti uvjerenja ranije.“*

Shodno gore navedenom, a u skladu sa članom 68. stav (1) Zakona Ugovorni organ odbacuje ponudu ponuđača PR „MEDIA MARKET“, s.p. Trbulin Dejan, Prijedor i dodjeljuje Ugovor petorangiranom ponuđaču R.E.D. COMPUTERS“ d.o.o. Bihać.

Izabrani petorangirani ponuđač R.E.D. COMPUTERS“ d.o.o. Bihać se obavezuje da u roku ne dužem od 5 (pet) dana od dana zaprimanja ove Odluke **dostavi** originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka c) i d) Zakona o javnim nabavkama.

U skladu sa naprijed navedenim, Ugovorni organ će prijedlog Ugovora dostaviti na potpis izabranom ponuđaču R.E.D. COMPUTERS“ d.o.o. Bihać po protoku od 15 dana, računajući od dana kada su svi ponuđači obaviješteni o izboru ponuđača.

### **Pouka o pravnom lijeku**

Protiv ove odluke može se izjaviti žalba najkasnije u roku od 5 (pet) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obrađivač:

Selma Bužimkić

**GRADONAČELNIK**

Dostavljeno:

Armin Halitović

1. „R.E.D. COMPUTERS“ d.o.o. Bihać , putem e-maila
2. PR „MEDIA MARKET“ putem e-maila
3. „SOFTKOM S“ d.o.o. Prijedor putem e-maila
4. PR „SMART COMPUTER“, Prijedor putem e-maila
5. „ELUR“ d.o.o. Kiseljak , putem e-maila
6. d.o.o „INTER-COM“. Zenica, putem e-maila
7. U spis
8. a/a